



Մ Ա Յ Ր Հ Ա Յ Ր Ե Ն Ի Ք Ո Ւ Մ

ՍԱՍՈՒՆՑԻ ԴԱՎԹԻ ԱՐՁԱՆԻ ԲԱՑՈՒՄԸ

Դեկտեմբերի 3-ին, հինգշաբթի օրը, Երևանի նորակերտ քաղաքային կայարանի հրապարակում, խուռն բազմության, կառավարական ղեկավար շխատողների, գրականության, արվեստի գործիչների ներկայության կատարվեց հայ ժողովրդի լեզենդար հերոս, մեր ազգային անկախության և ինքնուրույնության քաջամարտիկ՝ Սասունցի Դավթի արձանի բացումը:

Սասունցի Դավթի ճայ ժողովրդի բազմադարյան ազատագրական մաքառումների, հերոսական պայքարի, հայրենասիրության ու ժողովրդասիրության խորհրդանշանն է:

Սասունցի Դավթի ճայ ժողովուրդն է, արի և բարի, հայրենասեր և հումանիստ իր խոհերով և երազներով:

Սասունցի Դավթի արձանի բացմանը նվիրված միտինգում սրտագին խոսքերով առաջինը հանդես է գալիս Երևանի քաղաքային Սովետի գործադիր կոմիտեի նախագահ Գ. Փահլևանյանը: Ապա երկու փոքր պիոներներ դանդաղորեն իջեցնում են արձանը պարուրող սպիտակ ջողը: Բազմահազար ժողովրդի նայվածքի առաջ բացվում է

հոյակապ էպոսի հերոսի պղնձակուփ կոթողը՝ Սասունցի Դավթի ճայ աշտանակած իր հրեղեն ձիուն՝ Քուռկիկ Ջալալուն, մերկացրած ազատության սուրը՝ թուր կայծակին, փոթորկի նման թշնամու վրա խոյանալիս:

Սասունցի Դավթի արձանի բացման առթիվ խոսք են առնում արվեստի, գրականության, ուսանողության և աշխատավորության ներկայացուցիչներ, ընդգծելով Սասունցի Դավթի կերպարի մեջ հայ ժողովրդի դարավոր պայքարը, մահու և կենաց կռիվը օտարերկրյա բռնակալների դեմ:

Արձանի հեղինակն է տաղանդավոր քանդակագործ Երվանդ Քոչարը, որը կարողացել է «ստեղծել Սասունցի Դավթի գաղափարապես նպատակասլաց և գեղարվեստորեն արտահայտիչ դինամիկ կերպարը: Նրա մեջ մենք տեսնում ենք ժողովրդի դարավոր երազանքը իրականություն դարձած»: Սասունցի Դավթի արձանի բացման հանդիսության վերջում, ռեսպուբլիկայի վաստակավոր արտիստ Ժան Էլոյանը մեծ հուզմունքով արտասանում է «Սասունցի Դավթ» էպոսից մի հատված:





ՄԱՍՈՒՆՏԻ ԴԱՎԹԻ ԱՐՉԱՆԸ

(Քանդակագործ Եվանդ Բոյար)